

ქ. თბილისის მუნიციპალიტეტის მთაწმინდის რაიონის გამგეობა



ქ. თბილისში, გ.რჩეულიშვილის ქუჩაზე იპოლიტე ხვიჩიას სახელობის,
სულხან-საბა ორბელიანის ქ. N30-ში და ჯამბულის ქუჩაზე სპორტული
მოედნების შეკეთების სამუშაოების სახელმწიფო შესყიდვის
ელექტრონული ტენდერის

სატენდერო დოკუმენტაცია

ქ. თბილისი

2015 წელი

სარჩევი

1. ინსტრუქცია ტენდერში მონაწილეთათვის.....	3
2. ტექნიკური დოკუმენტაცია და დამატებითი მოთხოვნები	4
3. სახელმწიფო შესყიდვის შესახებ ხელშეკრულების პროექტი	6
4. დანართი N1 პრეტენდენტის რეკვიზიტები	12
5. დანართი N2-4 ხარჯთაღრიცხვები	13-18
6. დანართი N5 ინფორმაცია პრეტენდენტის გამოცდილების თაობაზე	19

1. ინსტრუქცია ტენდერში მონაწილეთათვის

1.1. სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების შესაბამისად.

1.2. ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3. ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4. შემსყიდველ ორგანიზაციაში წარმოსადგენი ყველა დოკუმენტი ს ნამდვილობაზე პასუხისმგებელია პრეტენდენტი.

1.5. სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.6. სატენდერო დოკუმენტაციაში განსაზღვრულ შესასყიდ საქონელზე, სადაც მითითებული იქნება კონკრეტული სასაქონლო ნიშანი, მოდელი, წარმოშობის წყარო ან მწარმოებელი (ასეთის არსებობის შემთხვევაში) იგულისხმება „მსგავსი“ ან „ეკვივალენტური“.

1.7. იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია ტენდერისთვის სტატუსის „წინადადებების მიღება დასრულებულია“ მინიჭებიდან არაუგვიანეს 5 სამუშაო დღეში პრეტენდენტისაგან მოითხოვს ფასწარმოქმნის ადეკვატურობის დასაბუთებას, რაზეც პრეტენდენტის მიერ წარმოდგენილი უნდა იქნას სსიპ „ლევან სამხარაულის სახ. ექსპერტიზის ეროვნული ბიუროს“ ან აკრედიტაციის ცენტრში აკრედიტებული სხვა პირის მიერ გაცემული შესაბამისი დასკვნა. ექსპერტიზის დასკვნის წარმოდგენილობა ან/და უარყოფითი დასკვნის წარმოდგენა გამოიწვევს შესაბამისი პრეტენდენტის დისკვალიფიკაციას. ფასწარმოქმნის ადეკვატურობის დასაბუთებაზე ვრცელდება „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების მე-12 მუხლის მე-11–მე-14 პუნქტებით განსაზღვრული წესები.

2. ტექნიკური დოკუმენტაცია და დამატებითი მოთხოვნები

2.1. შესყიდვის ობიექტის ტექნიკური პირობები და რაოდენობა:

2.1.1. ქ. თბილისში, გ. რჩეულიშვილის ქუჩაზე იპოლიტე ხვიჩიას სახელობის, სულხან-საბა ორბელიანის ქ.N30-ში და ჯამბულის ქუჩაზე სპორტული მოედნების შეკეთების მიზნით ჩასატარებელია N2-4 დანართებით გათვალისწინებული სამუშაოები (იხ PDF ფაილები);

2.1.2. საჭიროების შემთხვევაში, მიმწოდებელმა სამუშაოების შესრულების პროცესში საავტომობილო გზაზე უნდა უზრუნველყოს სამუშაო ადგილის შემოფარგვლა და დამცავი გამაფრთხილებელი თვალსაჩინოების და შუქნიშნების დაყენება.

2.1.3. ხელოვნური საფარის სპეციფიკაცია:

ბალახის ღეროს მასალა: 100% -იანი მონოფილამენტი.

ბალახის ღეროს სიმაღლე: 25მმ.

ნაკერი 3/8 ინჩი

ღეროს ჭრილი: 310 მიკრონი; 1,5 მმ

D-TEX:1200

ბალახის ღეროს წონა 1 კვ.მ.:1320 გრ.

ბალახის მთლიანი წონა 1 კვ.მ.: 2710

ყულვის რაოდენობა 16(10) სმ.

კვანძი 1კვ.მ -ზე: 16 800

საფარის ძირი ლატექსით დამუშავებული

2.2. სხვა მოთხოვნები

2.2.1. მიწოდების პირობები და ვადა: შესყიდვის ობიექტის მიწოდება მოხდება მიღება-ჩაბარების აქტის საფუძველზე, მიწოდების საბოლოო ვადაა ხელშეკრულების გაფორმებიდან 50 კალენდარული დღე, მაგრამ არაუგვიანეს 2015 წლის 25 დეკემბერი (რომელიც ადრე დადგება).

2.2.2. მიწოდების ადგილი - ქ. თბილისი, გ. რჩეულიშვილის ქუჩა, სულხან-საბა ორბელიანის ქ. N30, ჯამბულის ქუჩა.

2.2.3. პრეტენდენტის მიერ 2014 წლის 1 იანვრიდან შესრულებული ანალოგიური სამუშაოების (სპორტული მოედნების შეკეთება ან/და რეაბილიტაცია ან/და მოწყობა ან/და ახლის მშენებლობა) საერთო ღირებულება არ უნდა იყოს 500 000 ლარზე ნაკლები.

2.3. სატენდერო წინადადების ფასი:

2.3.1. სატენდერო წინადადებაში ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

2.3. 2. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარში.

2.4. ანგარიშსწორების პირობები:

2.4.1. ანგარიშსწორება მოხდება უნაღდო ანგარიშსწორებით ლარში.

2.4.2. ანგარიშსწორება მოხდება ადგილობრივი ბიუჯეტის სახსრებით, მიღება-ჩაბარების აქტის გაფორმებიდან არაუგვიანეს 30 (ოცდაათი) კალენდარული დღის განმავლობაში.

2.5. შესრულებული სამუშაოს ხარისხის გარანტია

2.5.1. შესრულებული სამუშაოს ხარისხის საგარანტიო ვადაა 3 (სამი) წელი საბოლოო მიღება-ჩაბარების აქტის გაფორმებიდან.

2.5.2. სამუშაოების დასრულების შემდეგ საგარანტიო ვადის განმავლობაში რაიმე წუნის (ნაკლოვანებები, დეფექტი) აღმოჩენის შემთხვევაში, თუ დადგინდება რომ აღნიშნული წუნი (ნაკლოვანებები, დეფექტი) გამოწვეულია უხარისხო ან/და არაჯეროვანი შესრულებით, მიმწოდებელი ვალდებულია აღმოფხვრას უხარისხოდ შესრულებული სამუშაოები საკუთარი ხარჯებით.

2.6. დამატებითი ინფორმაცია:

2.6.1. პრეტენდენტს არა აქვს უფლება წარმოადგინოს ალტერნატიული სატენდერო წინადადება.

2.6.2. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, წერილობითი მიმართვის საფუძველზე: ქ. თბილისი, მთაწმინდის რაიონის გამგეობა, ძმ. ზუბალაშვილების ქ. N48, სატენდერო კომისიის აპარატის წევრი - დავით კასრაძე. ტელ: 237 29 83; 577 15 88 38. ელ. ფოსტა. d.kasradze@tbilisi.gov.ge, ტექნიკურ საკითხებთან დაკავშირებით: ინფრასტრუქტურის განყოფილების უფროსი - გრიგოლ ტულუში, ტელ: 599906713

2.7. პრეტენდენტის მიერ ერთიან ელექტრონულ სისტემაში ასატვირთი მონაცემები:

2.7.1. პრეტენდენტის რეკვიზიტები დანართი N1-ს შესაბამისად;

2.7.2. ხარჯთაღრიცხვები დანართი N2-4-ის შესაბამისად (ხარჯთაღრიცხვების ექსელის ფორმატის ფაილები ატვირთულია სატენდერო დოკუმენტაციასთან ერთად) (ხარჯთაღრიცხვების წარმოდგენა სავალდებულოა, წინააღმდეგ შემთხვევაში პრეტენდენტი ექვემდებარება დისკვალიფიკაციას);

2.7.3. ინფორმაცია პრეტენდენტის გამოცდილების თაობაზე 2.2.3. პუნქტის შესაბამისად (დანართი N5)

- პრეტენდენტის მიერ სატენდერო წინადადების წარმოდგენა ნიშნავს, რომ იგი ეთანხმება შემსყიდველის ყველა იმ მოთხოვნას რომელიც აღწერილია სატენდერო დოკუმენტაციაში. განსხვავებული შეთავაზება პრეტენდენტის მიერ წარმოდგენილი უნდა იქნას სატენდერო წინადადების სისტემაში ატვირთვის დროს. ამასთანავე, განსხვავებული შეთავაზება არ უნდა აუარესებდეს შემსყიდველის პირობებს.

ხელშეკრულება
სახელმწიფო შესყიდვის შესახებ

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში.

ქ. თბილისი

თარიღი

1. ხელშეკრულების დამდები მხარეები

ერთის მხრივ, ქალაქ თბილისის მუნიციპალიტეტის მთაწმინდის რაიონის გამგეობა (შემდგომში – შემსყიდველი), წარმოდგენილი გამგებლის - გელა არჩვაძის სახით და, მეორეს მხრივ, ----- (შემდგომში „მიმწოდებელი“), წარმოდგენილი ---- სახით, საქართველოში მოქმედი კანონმდებლობის შესაბამისად და მათი გათვალისწინებით, შეთანხმდნენ სახელმწიფო შესყიდვის შესახებ ხელშეკრულების პირობებზე და სახელმწიფო შესყიდვის შესახებ ხელშეკრულების დადების თაობაზე.

2. ხელშეკრულების (შესყიდვის) ობიექტი, შესყიდვის საშუალება,
ხელშეკრულების ღირებულება, ხელშეკრულების ძალაში შესვლა და მოქმედების ვადა

2.1 ხელშეკრულების (შესყიდვის) ობიექტია - ქ. თბილისში, გ. რჩეულიშვილის ქუჩაზე იპოლიტე ზვიჩიას სახელობის, სულხან-საბა ორბელიანის ქ. N30-ში და ჯამბულის ქუჩაზე სპორტული მოედნების შეკეთების სამუშაოები, რომელიც განსაზღვრულია მიმწოდებლის მიერ წარმოდგენილი ხარჯთაღრიცხვებით, თან ერთვის ხელშეკრულებას და წარმოადგენს მის განუყოფელ ნაწილს.

2.2 შესყიდვის საშუალება – ელექტრონული ტენდერი.

2.3 ელექტრონული ტენდერის განცხადების ნომერი -----.

2.4 ხელშეკრულების ღირებულება შეადგენს ---- ლარს, ყველა გადასახადის ჩათვლით.

2.5 კლასიფიკატორის კოდი - 45112723.

2.6 ხელშეკრულება ძალაში შედის გაფორმებისთანავე და მოქმედებს ----- ჩათვლით.

3. სამუშაოს შესრულების პირობები

3.1 შესყიდვის ობიექტის მიწოდების საბოლოო ვადაა 2015 წლის 16 დეკემბერი.

3.2 მიწოდების ადგილი – ქ. თბილისი, გ. რჩეულიშვილის ქუჩა, სულხან-საბა ორბელიანის ქ. N30, ჯამბულის ქუჩა.

3.3 სამუშაოების დასრულების შემდეგ მომწოდებელი ვალდებულია თავისი ძალებით და სახსრებით დაუყოვნებლივ გაათავისუფლოს სამუშაო ადგილი მანქანა-მექანიზმებისაგან, მოწყობილობა-დანადგარებისაგან, მასალებისაგან, და ა. შ.

3.4. ხელოვნური საფარის სპეციფიკაცია:

ბალახის ღეროს მასალა: 100% -იანი მონოფილამენტი.

ბალახის ღეროს სიმაღლე: 25მმ.

ნაკერი 3/8 ინჩი

ღეროს ჭრილი: 310 მიკრონი; 1,5 მმ

D-TEX:1200

ბალახის ღეროს წონა 1 კვ.მ.:1320 გრ.

ბალახის მთლიანი წონა 1 კვ.მ.: 2710

ყულის რაოდენობა 16(10) სმ.
კვანძი 1კვ.მ -ზე: 16 800
საფარის ძირი ლატექსით დამუშავებული

4.შესრულებული სამუშაოს ხარისხი და გარანტია

- 4.1 შესრულებული სამუშაოს ხარისხის საგარანტიო ვადად განისაზღვროს საბოლოო მიღება-ჩაბარების აქტის გაფორმებიდან 3 (სამი) წელი.
- 4.2 ხელშეკრულების ფარგლებში შესასრულებელი სამშენებლო სამუშაოების ხარისხი უნდა შეესაბამებოდეს საქართველოში მოქმედი და ხელშეკრულებით განსაზღვრული სამშენებლო ნორმებითა და წესებით გათვალისწინებულ მოთხოვნებს და სტანდარტებს;
- 4.3 სამუშაოების დასრულების შემდეგ საგარანტიო ვადის განმავლობაში რაიმე წუნი (ნაკლოვანებები, დეფექტი) აღმოჩენის შემთხვევაში, თუ დადგინდება რომ აღნიშნული წუნი (ნაკლოვანებები, დეფექტი) გამოწვეულია უხარისხო ან/და არაჯეროვანი შესრულებით, მიმწოდებელი ვალდებულია აღმოფხვრას უხარისხოდ შესრულებული სამუშაოები საკუთარი ხარჯებით.

5.ხელშეკრულების შესრულების კონტროლი (ინსპექტირება)

- 5.1 ხელშეკრულებით ნაკისრი ვალდებულებების შესრულების კონტროლს ნებისმიერ ეტაპზე ახორციელებს შემსყიდველი.
- 5.2 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ ქ. თბილისის მუნიციპალიტეტის მთაწმინდის რაიონის გამგეობის მიერ განსაზღვრული უფლებამოსილი პირები.
- 5.3 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. კერძოდ: შემსყიდველის მოთხოვნის შემთხვევაში, მიმწოდებელი ვალდებულია საკუთარი რესურსებით აწარმოოს სამუშაოების ხარისხის კონტროლი და ზედამხედველობა, კერძოდ:
- მასალების გამოცდისათვის საჭირო სპეციალიზირებულ ლაბორატორიაში ჩაატაროს გამოსაყენებელი მასალების ხარისხის ყველა საკონტროლო ლაბორატორიული გამოცდები და შემოწმებები მათი გამოყენების ვარგისიანობაზე. ასეთ შემთხვევაში, სამუშაოების შესრულების დროს მიმწოდებელი ვალდებულია წარმოადგინოს გამოყენებული მასალების ლაბორატორიული დასკვნები და რეცეპტები, მათი ხარისხი უნდა შეესაბამებოდეს საქართველოში მოქმედ სტანდარტებსა და ნორმებს. მასალები უნდა ინახებოდეს დახურული წესით, გარდა იმ მასალებისა, რომელიც ნორმების მიხედვით ინახება ღია ცის ქვეშ.
- 5.4 იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვითონ შემსყიდველი.

6. შესყიდვის ობიექტის მიღება-ჩაბარების წესი

- 6.1 შესყიდვის ობიექტი ან მისი ნაწილი ჩაითვლება მიღებულად მხოლოდ მიღება-ჩაბარების აქტის გაფორმების შემდეგ.
- 6.2 ხარჯთაღრიცხვით განსაზღვრული სამუშაოების მოცულობები შესაძლებელია შეიცვალოს, ფაქტიურად შესრულებული სამუშაოების გათვალისწინებით, ხელშეკრულების 5.2 პუნქტით განსაზღვრულ პირობებთან მიღწეული წინასწარი შეთანხმების საფუძველზე, რაზეც გაფორმდება შესაბამისი აქტი.
- 6.3 ხელშეკრულების შესრულების კონტროლზე, ტექნიკურ ზედამხედველობაზე და ხელშეკრულებით გათვალისწინებული მიღება-ჩაბარების აქტების გაფორმებაზე პასუხისმგებელ პირებს წარმოადგენენ წინარე ხელშეკრულების მე-5 მუხლის 5.2 პუნქტში მითითებული პირები.

6.4 შესყიდვის ობიექტის (მისი ნაწილის, ეტაპის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

6.5 შემსყიდველი უფლებამოსილია შუალედური ფორმა №2-ის წარმოდგენიდან არაუმეტეს 28 კალენდარული დღის ვადაში, წერილობითი სახით აცნობოს მიმწოდებელს საბოლოო შემოწმების შედეგები დაწუნებული სამუშაოს მოცულობის და წუნდების მიზეზის მითითებით.

6.6 მიღება-ჩაბარების აქტების გაფორმების პარალელურად, მიმწოდებელი ვალდებულია წარმოუდგინოს შემსყიდველს შესაბამისი საგადასახადო დოკუმენტაცია (მოქმედი კანონმდებლობის შესაბამისად).

7. ანგარიშსწორება და ანგარიშსწორების ვალუტა

7.1 ანგარიშსწორება მოხდება უნაღდო ანგარიშსწორებით ლარში.

7.2 ანგარიშსწორება მოხდება ადგილობრივი ბიუჯეტის სახსრებით, მიღება-ჩაბარების აქტის გაფორმებიდან 30 (ოცდაათი) კალენდარული დღის ვადაში.

7.3 ხელშეკრულების 8.2 და 8.3 პუნქტების დარღვევის შემთხვევაში მიმწოდებელზე დაკისრებული პირგასამტეხლოს ანაზღაურებამდე შემსყიდველი უფლებამოსილია უარი თქვას ანგარიშსწორებაზე. ამ შემთხვევაში ანგარიშსწორება განხორციელდება მიმწოდებლის მიერ შესაბამის ანგარიშზე დაკისრებული პირგასამტეხლოს გადახდის შემდეგ.

8. ხელშეკრულების პირობების შეუსრულებლობა (საჯარიმო სანქციები, ფორმა, ოდენობა, და გადახდის ვადები)

8.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობის, არაჯეროვნად შესრულების ან/და დაგვიანებით შესრულების შემთხვევაში გამოიყენება საჯარიმო სანქციები.

8.2 მიმწოდებელი იღებს ვალდებულებას შესყიდვის ობიექტის მიწოდების ვადის დარღვევის შემთხვევაში გადაუხადოს პირგასამტეხლო შემსყიდველს ხელშეკრულების საერთო ღირებულების 0,1%-ის ოდენობით ყოველ გადაგადაცილებულ დღეზე.

8.3 შესყიდვის ობიექტის მიწოდების ვადის 15 (თხუთმეტი) კალენდარულ დღეზე მეტი ვადით გადაცილების შემთხვევაში, შემსყიდველი უფლებამოსილია ცალმხრივად შეწყვიტოს ხელშეკრულება, რაც გამოიწვევს მიმწოდებლის დაჯარიმებას ხელშეკრულების საერთო ღირებულების 5%-ის ოდენობით და ხელშეკრულება ჩაითვლება შეუსრულებლად.

8.4 ხელშეკრულებით გათვალისწინებული ვალდებულებების შეუსრულებლობად ჩაითვლება აგრეთვე დავალებით გათვალისწინებული სამუშაოების არასრული მოცულობით შესრულება, თუ ამ მიზეზით შეუძლებელია შესყიდვის ობიექტის ექსპლუატაციაში მიღება. აღნიშნული გამოიწვევს მიმწოდებლის დაჯარიმებას ხელშეკრულების საერთო ღირებულების 5%-ის ოდენობით.

8.5 მიმწოდებელის მიზეზით ხელშეკრულების არაჯეროვნად (შესყიდვის ობიექტის ნაწილის არასათანადო ხარისხით) შესრულების შემთხვევაში (თუ ამ მიზეზის მიუხედავად, შესაძლებელია შესყიდვის ობიექტის ექსპლუატაციაში მიღება), მიმწოდებელი დაჯარიმდება ხელშეკრულების საერთო ღირებულების 1%-ის ოდენობით.

8.6 საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 1 თვის ვადაში.

8.7 ხელშეკრულების 7.2 პუნქტის მოთხოვნის დარღვევის შემთხვევაში, მიმწოდებელს უფლება აქვს მოთხოვოს შემსყიდველს პირგასამტეხლო ჩასარიცხი თანხის 0,5%-ის ოდენობით, ყოველ გადაგადაცილებულ დღეზე, გარდა იმ შემთხვევისა, როდესაც ეს მოხდა შემსყიდველისაგან დამოუკიდებელი მიზეზით.

8.8 საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

9. ხელშეკრულების შეწყვეტა

9.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულებლის შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ.

9.2 მიმწოდებელი ვალდებულია შეატყობინოს შემსყიდველს ცალმხრივად შეწყვეტის შესახებ მიღებული გადაწყვეტილება, მისი მიღების საფუძველი და ამოქმედების თარიღი, ხოლო შემსყიდველმა აცნობოს მიმწოდებელს ცალმხრივად შეწყვეტის შესახებ მიღებული გადაწყვეტილება და ამოქმედების თარიღი.

9.3 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

9.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

9.5 შემსყიდველს შეუძლია მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

- ა) მიმწოდებლის მიერ ხელშეკრულებით ნაკისრი ვალდებულებების დარღვევის შემთხვევაში;
- ბ) მიმწოდებლის მიერ ხელშეკრულების გაფორმებიდან სამუშაოების დაწყების 10 (ათი) კალენდარულ დღეზე მეტი ვადით გადაცილების შემთხვევაში.
- გ) მიმწოდებლის მიერ სამუშაოს საბოლოო შესრულების ვადის 15 (თხუთმეტი) კალენდარულ დღეზე მეტი ვადით გადაცილების შემთხვევაში.
- დ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- ე) საქართველოს კანონმდებლობით გათვალისწინებულ სხვა შემთხვევებში.

9.6 ამ მუხლის 9.5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად შესრულებული სამუშაოების ღირებულება, მიმწოდებლისათვის დაკისრებული პირგასამტეხლოს თანხის გადახდის შემდეგ.

10. ფორს-მაჟორი

10.1 ფორსმაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყერების ჩამოწოლა, ეპიდემია, წყალდიდობა და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია.

10.2 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

10.4 იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

11. უსაფრთხოება და გარემოს დაცვა

11.1 მიმწოდებელმა სამუშაოების განხორციელების განმავლობაში საქართველოს მოქმედი კანონმდებლობის და არსებული ნორმების შესაბამისად, უნდა მიიღოს აუცილებელი ზომები ტექნიკური უსაფრთხოების და გარემოს დაცვის უზრუნველსაყოფად.

11.2 მიმწოდებელმა უნდა უზრუნველყოს სამუშაო ადგილის ფარგლებში გარემოზე ეკოლოგიური ზემოქმედების, მუშაობით გამოწვეული ხმაურის, ვიბრაციის და მტვრის გავლენის მინიმუმადე დაყვანა.

11.3 მიმწოდებელი საქართველოში ტექნიკური უსაფრთხოების და გარემოს დაცვასთან დაკავშირებით მოქმედი კანონების და ნორმების შესაბამისად ვალდებულია მიიღოს უსაფრთხოების აუცილებელი ზომები მშენებლობის ზონაში ხანძრის გაჩენის და აფეთქების თავიდან ასაცილებლად.

11.4 მიმწოდებელი ვალდებულია სამუშაოები შეასრულოს საქართველოში მოქმედი კანონმდებლობით დადგენილი უსაფრთხოების ნორმების დაცვით. აღნიშნულ ნორმათა დარღვევის შემთხვევაში, მიმწოდებელს ყოველ კონკრეტულ დარღვევაზე დაეკისრება შესაბამისი კანონმდებლობით გათვალისწინებული ჯარიმა.

11.5 ჯარიმის გადახდა მიმწოდებელს არ ათავისუფლებს დარღვევის აღმოფხვრისაგან.

12. ხელშეკრულებაში ცვლილებების შეტანა

12.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია.

12.2 ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით და დანართის სახით უნდა დაერთოს ხელშეკრულებას. მხარეთა წერილობითი შეთანხმება ცვლილების თაობაზე, ჩაითვლება ხელშეკრულების განუყოფელ ნაწილად.

13. უფლებების გადაცემა

13.1 ხელშეკრულებით განსაზღვრული ვალდებულებების მთლიანი ან ნაწილობრივი უფლება-მოვალეობების გადაცემა ფორმდება მხარეთა წერილობითი შეთანხმებით (შემსყიდველი - მიმწოდებელი - მესამე პირი).

14. ღირებულების შეცვლის პირობები

14.1 მხარეთა შეთანხმებით დასაშვებია ხელშეკრულების საერთო ღირებულების შეცვლა.

14.2 ხელშეკრულების ღირებულების პარამეტრების (ერთეულის ფასის) შეცვლა დაუშვებელია, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

14.3 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

14.4 ხელშეკრულების ღირებულების შეცვლა ფორმდება მხარეთა წერილობითი შეთანხმების სახით.

15. ურთიერთობა ხელშეკრულების დამდებ მხარეებს შორის

15.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის

სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ტელეფონის, ელექტრონული ფოსტის ან ფაქსის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით.

15.2 შეტყობინება შედის ძალაში ადრესატის მიერ მისი მიღების დღეს.

16. სადაო საკითხების გადაწყვეტა

16.1 ხელშეკრულების დამდები მხარეები თანხმდებიან მასზედ, რომ ხელშეკრულების ან მასთან დაკავშირებული საკითხების ირგვლივ მათ შორის წარმოქმნილი ნებისმიერი დავა შესაძლებელია გადაწყდეს მხარეთა შეთანხმებით.

16.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შესძლებენ სადაო საკითხების თაობაზე შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

16.3 ინტელექტუალურ საკუთრებასთან დაკავშირებული უფლებებით გათვალისწინებული ვალდებულებების დაცვა და ამ უფლებების გამოყენების პროცესში წარმოშობილი დავების მოგვარება ეკისრება მიმწოდებელს.

16.4 ზიანის ანაზღაურებასთან დაკავშირებით, გამოიყენება საქართველოს სამოქალაქო კოდექსის შესაბამისი მუხლები.

16.5 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

17. სხვა პირობები

17.1. ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

17.2. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

17.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

18. მხარეთა იურიდიული რეკვიზიტები

შემსყიდველი:

მიმწოდებელი:

ქ. თბილისის მუნიციპალიტეტის

მთაწმინდის რაიონის გამგეობა

ს/კოდი: 204521954

მის: ძმ. ზუბალაშვილების ქ. №48.

ხაზინის ერთიანი ანგარიში

სახელმწიფო ხაზინა

ბანკის კოდი TRESGE22

1. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი, თანამდებობა:

პრეტენდენტის იურიდიული და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება და კოდი:

ანგარიშის ნომერი:

2. სახელმწიფო შესყიდვების ერთიან ელექტრონულ სისტემაში
შემოთავაზებული სატენდერო წინადადების ფასი:

ხელმოწერა _____ ბ.ა.

ქ. თბილისში, გ. რჩეულიშვილის ქუჩაზე, იპოლიტე ხვიჩიას სახელობის
სპორტული მოედნის შეკეთების სამუშაოების ხარჯთაღრიცხვა

N	სამუშაოს დასახელება	ზომის ერთ.	რაოდ.	მასალა		ხელფასი		მანქანა- მექანიზმები		ჯამი
				ერთ. ფასი	ჯამი	ერთ. ფასი	ჯამი	ერთ. ფასი	ჯამი	
1	2	3	4	5	6	7	8	9	10	11
1	არსებული კალათბურთის ფარების დემონტაჟი	ც	2,00							
2	სპორტული მოედნის მიმდებარე კედლის გაღვსვა ქვიშა- ცემენტის ხსნარით.	მ²	90,00							
	ქვიშა-ცემენტის ხსნარი 1:2	მ³	2,70							
3	სპორტული მოედნის მიმდებარე კედლის შეღებვა საფასადე საღებავით (2 ფენა)	მ²	90,00							
	საფასადე საღებავი	კგ	30,00							
4	სტადიონის ხელოვნური საფარის დემონტაჟი	მ²	761,00							
5	სტადიონზე ქვიშა-ცემენტის მოჭიმვა 5-სმ სისქის, შესაბამისი ქანობით B18.5	მ²	761,00							
6	სტადიონზე ხელოვნური საფარის მონტაჟი	მ²	761,00							
	ხელოვნური ბალახის "მწვანე საფარი" სისქით 25 მმ მონოფილაქტი100% 3/8 ინჩ.	მ²	761,00							
	ხელოვნური ბალახის "მწვანე საფარზე" დაზოღვის მოწყობა	გრძ/მ	120,00							
7	გარეცხილი კვარცის ქვიშა 02-08 ფრაქცია	ტ	15,22							
8	ახალი ლითონის მავთულბადის (არანაკლებ 3.5მმ.-იანი 50X50მმ უჯრედით) ჩარჩოში მოჭიმვა გლინულით დ=8	მ²	68,00							
9	კარის მოწყობა კუთხოვანებით, მავთულბადის ჩასმა და მოჭიმვა	ც	1,00							
10	სპორტულ მოედანზე არსებული ლითონის კონსტრუქციების დამუშავება, შეღებვა ანტიკოროზიული საღებავით (2 ფენა) მავთულბადის ჩათვლით.	მ²	505,00							
	ანტიკოროზიული საღებავი	კგ	101,00							
11	ფეხბურთის კარის ბადის მონტაჟი უმაღლესი ხარისხის პოლიესტერის ძაფისგან დამზადებული	ც	2,00							
12	კალათბურთის ფარის კომპლექტის მონტაჟი (ჩაბეტონება) აისო სერტიფიცირებული დაფით 105X180, ყველა საჭირო სამაგრი კონსტრუქციული დეტალის ჩათვლით.	ც	2,00							

1	2	3	4	5	6	7	8	9	10	11
13	სამშენებლო ნაგავის დატვირთვა ავტოთვიმცლელზე და გატანა.	ტ	26,00							
	ჯამი:									
	ზედნადები ხარჯები	%								
	ჯამი:									
	მოგება	%								
	ჯამი									
	გაუთვალისწინებელი ხარჯები	%	3,0							
	ჯამი									
	დ.ღ.გ.	%	18,0							
	სულ									

ხელმოწერა _____ ბ.ა.

ქ. თბილისში, სულხან-საბა ორბელიანის ქ. N30-ში,
სპორტული მოედნის შეკეთების სამუშაოების ხარჯთაღრიცხვა

N	სამუშაოს დასახელება	ზომის ერთ.	რაოდ.	მასალა		ხელფასი		მანქანა- მექანიზმები		ჯამი
				ერთ. ფასი	ჯამი	ერთ. ფასი	ჯამი	ერთ. ფასი	ჯამი	
1	2	3	4	5	6	7	8	9	10	11
1	სტადიონის ხელოვნური საფარის დემონტაჟი	მ²	610,00							
2	სტადიონზე ქვიშა-ცემენტის მოჭიმვა 5-სმ სისქის, შესაბამისი ქანობით ბ-18.5	მ²	610,00							
3	სტადიონზე ხელოვნური საფარის მონტაჟი	მ²	610,00							
	ხელოვნური ბალახის "მწვანე საფარი" სისქით 25 მმ მონოფილაგენტი 100% 3/8 ინჩ.	მ²	610,00							
	ხელოვნური ბალახის "მწვანე საფარზე" დაზოლვის მოწყობა	გრძ/მ	120,00							
4	გარეცხილი კვარცის ქვიშა 02-08 ფრაქცია	ტ	12,20							
5	დაზიანებული სკამების დემონტაჟი	გრძ.მ	10,00							
6	ასფალტო ბეტონის საფარის დემონტაჟი	მ²	35,00							
7	II ჯგუფის გრუნტის დამუშავება	მ³	10,00							
8	საფუძვლის მომზადება ღორღით	მ³	8,00							
9	ტრიბუნის დაბეტონება B-18.5 ბეტონით	მ³	20,00							
	გლინულა A-I d=8 მმ	ტ	0,75							
	ქარგილები ყალიბების მოსაწყობად	მ²	10,00							
10	სკამების მოწყობა არსებულის ანალოგიურად	გრძ.მ	10,00							
	ხის ლარცა 6X4 სმ	გრძ.მ	50,00							
	მილკვადრატი 40X20X2	გრძ.მ	10,00							
11	არსებულ სკამებზე 50X50X2 მილკვადრატის დამატება	გრძ.მ	72,00							
12	ხის დასაჯდომების გაწმენდა და შეღებვა ზეთოვანი საღებავით (2 ფენა)	მ²	54,00							
	ზეთოვანი საღებავი	კგ	14,00							
13	კედლების გასუფთავება დაზიანებული ნაღესისაგან	მ²	105,00							
14	კედლების შეღესვა ქვიშა- ცემენტის ხსნარით.	მ²	160,00							
	ქვიშა-ცემენტის ხსნარი 1:2	მ³	4,80							
15	შელესილი კედლების შეღებვა საფასადე საღებავით (2 ფენა)	მ²	160,00							
	საფასადე საღებავი	კგ	52,00							
16	ლითონის ელემენტების გაწმენდა და შეღებვა ანტიკოროზიული საღებავით (2 ფენა)	მ²	123,00							

1	2	3	4	5	6	7	8	9	10	11
	ანტიკოროზიული საღებავი	კგ	25,00							
17	არსებულის ანალოგიური მავთულბადის მოაჯირის მოწყობა	გრძ.მ	8,00							
	კუთხოვანა 45X45X3	გრძ.მ	22,00							
	მოაჯირის ბადე 45X45 მმ	მ²	5,00							
18	ფეხბურთის კარის ბადის მონტაჟი უმაღლესი ხარისხის პოლიესტერის ძაფისგან დამზადებული	ც	2,00							
19	სტადიონის პლასტმასის გარსით დაფარული ბადის ქვედა ნაწილის გამაგრება	გრძ.მ	55,00							
	გვარლი იზოლაციით d=4მმX5 მმ	გრძ.მ	110,00							
	დამჭიმვი	ც	8,00							
20	კარის მოწყობა კუთხოვანებით, მავთულბადის ჩასმა და მოჭიმვა	ც	1,00							
21	კალათბურთის ფარის კომპლექტის მონტაჟი (ჩაბეტონება). ისო სერთიფიცირებული დაფით 105X180სმ, ყველა საჭირო სამაგრი კონსტრუქციული დეტალის ჩათვლით	ც	2,00							
22	სამშენებლო ნაგავის დატვირთვა ავტოთვითმცლელზე და გატანა 20 კმ-მდე მანძილზე	ტ	27,00							
	ჯამი:									
	ზედნადები ხარჯები	%								
	ჯამი:									
	მოგება	%								
	ჯამი									
	გაუთვალისწინებელი ხარჯები	%	3,0							
	ჯამი									
	დ.ღ.გ.	%	18,0							
	სულ									

ხელმოწერა _____ ბ.ა.

**ქ. თბილისში, ჯამბულის ქუჩაზე სპორტული მოედნის
შეკეთების სამუშაოების ხარჯთაღრიცხვა**

N	სამუშაოს დასახელება	ზომის ერთ.	რაოდ.	მასალა		ხელფასი		მანქანა- მექანიზმები		ჯამი
				ერთ. ფასი	ჯამი	ერთ. ფასი	ჯამი	ერთ. ფასი	ჯამი	
1	2	3	4	5	6	7	8	9	10	11
1	არსებული ფეხბურთის კარების ბადის დემონტაჟი	ც	2,00							
2	სტადიონის ხელოვნური საფარის დემონტაჟი	მ²	610,00							
3	სტადიონზე ქვიშა-ცემენტის მოჭიმვა 5-სმ სისქის, შესაბამისი ქანობით ბ-18.5	მ²	610,00							
4	ხელოვნური ბალახის "მწვანე საფარი"-ს მონტაჟი	მ²	610,00							
	ხელოვნური ბალახის "მწვანე საფარი" სისქით 25 მმ მონოფილამენტი 100% 3/8 ინჩ.	მ²	610,00							
	ხელოვნური ბალახის "მწვანე საფარზე" დაზოლვის მოწყობა	გრძ/მ	120,00							
5	გარეცხილი კვარცის ქვიშა 02-08 ფრაქცია	ტ	12,20							
6	ახალი ლითონის მავთულბადის არანაკლებ 3.5მმ-იანი 50X50მმ მავთულბადით. ჩარჩოში მოჭიმვა გლინულით დ=8	მ²	50,00							
7	კარის მოწყობა კუთხოვანებით, მავთულბადის ჩასმა და მოჭიმვა	ც	1,00							
8	სპორტულ მოედანზე არსებული ლითონის კონსტრუქციების დამუშავება, შეღებვა ანტიკოროზიული საღებავით (2ფენა)	მ²	315,00							
	ანტიკოროზიული საღებავი	კგ	63,00							
9	ფეხბურთის კარის ბადის მონტაჟი უმაღლესი ხარისხის პოლიესტერის ძაფისგან დამზადებული	ც	2,00							
10	კალათბურთის ფარის კომპლექტის მონტაჟი(ჩაბეტონება) აისო სერთიფიცირებული დაფით 105X180, ეველა საჭირო სამაგრი კონსტრუქციული დეტალის ჩათვლით.	ც	2,00							
11	სტადიონზე პლასტმასის სკამების მოწყობა არსებულ ლითონის კარკასზე	ც	35,00							
12	სამშენებლო ნაგავის დატვირთვა ავტოთვიმცლელზე და გატანა.	ტ	19,00							
	ჯამი:									
	ზედნადები ხარჯები	%								
	ჯამი:									

1	2	3	4	5	6	7	8	9	10	11
	მოგება	%								
	ჯამი									
	გაუთვალისწინებელი ხარჯები	%	3,0							
	ჯამი									
	დ.ღ.გ.	%	18,0							
	სულ									

ხელმოწერა _____ ბ.ა.

ინფორმაცია

პრეტენდენტის მიერ 2014 წლის 1 იანვრიდან შესრულებული
ანალოგიური სამუშაოების თაობაზე

N	შესრულებული სამუშაოს დასახელება	შემსყიდველის დასახელება და სატენდერო განცხადების (SPA) ნომერი	სამუშაოს შესრულების დრო (წელი)	შესრულებული სამუშაოს ღირებულება (ლარი)
	სულ:			

შენიშვნა:

- პრეტენდენტის მიერ 2014 წლის 1 იანვრიდან შესრულებული ანალოგიური სამუშაოების (სპორტული მოედნების შეკეთება ან/და რეაბილიტაცია ან/და მოწყობა ან/და ახლის მშენებლობა) საერთო ღირებულება არ უნდა იყოს 500 000 ლარზე ნაკლები. აღნიშნული ინფორმაცია მოცემული უნდა იყოს წინამდებარე ცხრილში, რომელიც სატენდერო წინადადებასთან ერთად ატვირთული უნდა იქნას ერთიან ელექტრონულ სისტემაში.
- თუ ცხრილში ნაჩვენებია სამუშაოები არ განხორციელებულა სახელმწიფო შესყიდვების ერთიანი ელექტრონული სისტემის გამოყენებით, ამ შემთხვევაში უნდა აიტვირთოს სამუშაოების შესრულების დამადასტურებელი საბუთი (ხელშეკრულება, მიღება-ჩაბარების აქტი ან/და სხვა სახის დოკუმენტი).

ხელმოწერა _____ ბ.ა.